

**Bosna i Hercegovina  
Federacija Bosne i Hercegovine  
Udruženje sudija/sudaca u  
Federaciji Bosne i Hercegovine**



Sarajevo, Valtera Perića 15  
Tel/fax 033-668-035  
e-mail [usfbih@bih.net.ba](mailto:usfbih@bih.net.ba)  
[www.usfbih.ba](http://www.usfbih.ba)

Broj: 44-1/24  
Sarajevo, 24.10.2024. godine.

**IZVJEŠTAJ  
SA SJEDNICE UPRAVNOG ODBORA UDRUŽENJA SUDACA U FEDERACIJI BOSNE I  
HERCEGOVINE ODRŽANE 24.10.2024. GODINE**

Sjednica je održana u prostorijama hotela Vučko na Jahorini sa početkom u 17:00 sati

**PRISUTNI ČLANOVI UO USFBiH:** Elis Sultanić, Ankica Čuljak, Hakija Zajmović, Aleksandar Kontić, Emir Neradin, Nedžad Baković, Denis Kurtović, Avdija Avdić, Smajo Šabić, Edin Bičo, Mustafa Šabić, Katica Artuković.

**ODSUTNI ČLANOVI UO USFBiH:** Rusmira Kudić (opravdano), Joko Radić (opravdano), Vildana Helić (opravdano).

**PRISUTNI GOSTI NA SJEDNICI UO:** Duško Miloica (Predsjednik Udruženja sudija u BiH); Milenko Milekić (Član UO Udruženja sudija RS i Udruženja sudija u BiH); Dragoslav Erdelić (Član UO Udruženja sudija u BiH i Udruženja sudija RS); Mirsada Karahmetović (Predsjednica ogranka Kantona Sarajevo USFBiH, član UO Udruženja sudija u BiH)

**Predloženi dnevni red**

1. Rasprava povodom dopisa Ogranka kantona Sarajevo u vezi imovinskih kartona.
2. Izvještaj sa sastanka 09.10.2024. u organizaciji Min. Pravde BiH u vezi prijedloga zakona o VSTV-u
3. Razno:

Dnevni red usvojen jednoglasno.

Povodom prve tačke dnevnog reda, rasprava povodom imovinskih kartona za nositelje pravosudnih funkcija u BiH, na sjednici UO su kao gosti prisustvovali predstavnici Udruženja sudija Republike Srpske, Udruženja sudija u BiH a telefonski odobrenje su dostavili Udruženje tužilaca u FBiH i Udruženje tužilaca u RS te su svi zaključci doneseni povodom ove tačke dnevnog reda iz koordinirani i dogovoren je zajednički nastup svih Udruženja povodom problematike oko imovinskih kartona za nositelje pravosudnih funkcija u BiH.

## ODLUKE - ZAKLJUČCI

1. Zajednički zaključak Udruženja sudija i tužilaca nakon rasprave povodom ove tačke dnevnog reda glasi:

- Kontaktirati advokate Nedima Ademovića i Senku Nožicu u vezi pokretanja postupaka za utvrđivanje ustavnosti i zakonitosti odredbi članova 86 stav 2 tačka od „a“ do „m“ Zakona o VSTV-u i Pravilnika Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima.
- Za kontakt s advokatima ovlašćuju se članovi UO Emir Neradin, Edin Bičo, Smajo Šabić i Mirsada Karahmetović.
- Poslati zahtjev Agenciji za zaštitu ličnih podataka u skladu sa članom 4. Zakona o zaštiti ličnih podataka vezano za zakonitost prikupljanja i obrađivanja podataka Pravilnika Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima.
- Uputiti dopis VSTV-u sa zahtjevom da se na dnevni sjednice VSTV-a raspravi problematika povodom Pravilnika Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima. (Navedeni dopis je u prilogu ovog izvještaja)

2. Upravni odbor je usvojio izvještaj koji je iznio predsjednik Udruženja sudija FBiH sudija Elis Sultanić sa sastanka 09.10.2024. u organizaciji Min. Pravde BiH u vezi prijedloga zakona o VSTV-u. Ovo je bio jedan u nizu sastanaka kojem je predsjednik prisustvovao povodom prijedloga Zakona o VSTV-u a koji su počeli početkom aprila 2024. Sljedeće sastanak povodom prijedloga Zakona o VSTV-u je planiran 04.11.2024. u organizaciji Transparency internacional BiH na kojem će prisustvovati predsjednik Udruženja.

3. Povodom tačke dnevnog reda nije bilo rasprave.

- Sljedeća sjednica UO je planirana za dan 02.12.2024. godine u Zenici.
- Poziva se članstvo Udruženja i Ogranci da ukoliko imaju odrađenih inicijativa da dostave uredu Udruženja kako bi se o njima moglo raspravljati i odlučivati.

Navedene odluke i zaključci su usvojeni na sjednici UO USFBiH 24.10.2024.

**Sastanak je završen u 18:30 sati**

**Predsjednik Udruženja sudija/sudaca u FBiH  
Elis Sultanić**

Dostavljeno:

- članovima Upravnog odbora i predsjednicima ogranaka Udruženja
- Udruženju sudija RS, Udruženju sudija u BiH, Udruženju tužilaca FBiH, Udruženju tužilaca RS
- web stranica udruženja
- arhiva

## PRILOG IZVJEŠTAJA



UDRUŽENJE TUŽILACA / TUŽITELJA  
FEDERACIJE BOSNE I HERCEGOVINE

Udruženje sudija/sudaca u  
Federaciji Bosne i  
Hercegovine



Sarajevo, Valtera Perića 15  
Tel/fax 033-668-035  
e-mail [usfbih@bih.net.ba](mailto:usfbih@bih.net.ba)  
[www.usfbih.ba](http://www.usfbih.ba)

УДРУЖЕЊЕ СУДИЈА  
РЕПУБЛИКЕ СРПСКЕ  
УДРУЖЕЊЕ СУДИЈА  
РЕПУБЛИКЕ СРПСКЕ  
REPUBLIC OF SRPSKA  
ASSOCIATION OF JUDGES



Vladike Platona br. 2, 78000 Banja Luka;  
tel: 065/860-270; fax: 051 301 578; e-  
mail: [us.rs@pravosudje.ba](mailto:us.rs@pravosudje.ba)

УДРУЖЕЊЕ ТУЖИЛАЦА  
РЕПУБЛИКЕ СРПСКЕ  
УДРУЖЕЊЕ ТУЖИЛАЦА  
РЕПУБЛИКЕ СРПСКЕ



Broj: 7/24

Sarajevo, 28.10.2024.godine

### Visoko sudsko i tužilačko vijeće Bosne i Hercegovine

n/r Članovima Visokog sudskog i tužilačkog vijeća  
Bosne i Hercegovine

#### Predmet: zahtjev za donošenje odluke, traži se

Vežano za e-mail Visokog sudskog i tužilačkog vijeća od 01.10.2024. godine koji je dostavljen svim sudijama i tužiocima u pravosuđu BiH kojim se obavještavamo da je rok za popunjavanje i dostavljanje izvještaja o imovini i interesima 90 dana počevši od 01.10.2024. godine, obraćamo Vam se sa zahtjevom za donošenje odluke.

Naime, Parlamentarna skupština Bosne i Hercegovine je u septembru 2023. godine usvojila Zakon o izmjenama i dopunama Zakona o VSTV BiH objavljen u „Sl. gl. BiH“ broj 63/2023, te je u skladu sa članom 86. Zakona predviđeno da će sudije i tužioci dostavljati Vijeću svoj početni i godišnji izvještaj o imovini i interesima. Odredbom člana 27. Zakona je bilo propisano da ovaj zakon stupa na snagu osmog dana od dana objavljivanja u "Službenom glasniku BiH", a primjenjivat će se istekom 90. dana od dana stupanja na snagu, dok je članom 25. Zakona bio propisan rok za podnošenje izvještaja o imovini u toku od 30 dana od dana donošenja propisa iz člana 86i. ovog zakona.

Slijedeći Zakon o izmjenama i dopunama zakona o Visokom sudskom i tužilačkom vijeću objavljen je dana 06.02.2024.godine u „Sl.gl. BiH“ broj 9/24 gdje se u članu 4. navodi da se mijenja odredba člana 27. Zakona o izmjenama i dopunama Zakona o VSTV BiH (Sl.gl.BiH broj 63/2023) na način da se odredbe člana 86. do 86.e. imaju primjenjivati od 23. marta 2024. godine.

Nakon toga, Visoko sudsko i tužilačko vijeće je na sjednici održanoj 17.07.2024. godine usvojilo Pravilnik o izmjeni i dopuni Pravilnika Visokog sudskog i tužilačkog vijeća Bosne i Hercegovine u vezi s izvještavanjem o imovini i interesima i Uputstvo za popunjavanje obrasca izvještaja o imovini i interesima sudija, tužilaca i članova Vijeća.

Samo par dana kasnije, odnosno 23.07.2024. godine došlo je do nove izmjene Zakona objavljen u „Sl.gl. BiH broj 50/24“ gdje je u članu 1. propisano da se **ponovo mijenja** odredba člana 27. Zakona o izmjenama i dopunama Zakona o VSTV BiH (Sl.gl.BiH broj 63/2023) na način da se rok određen sa „23.mart 2024.godine“ **zamjenjuje riječima „28.februara 2025.godine“**, što dalje implicira da je posljednjim izmjenama Zakona iz jula rok primjene članova 86. do 86.i. kojima je uređena procedura podnošenja izvještaja o imovini odnosno stupanje na snagu ovih odredbi, prolongirano za datum 28.02.2025. godine.

Pored navedene izmjene Zakona, Vijeće je na sjednici održanoj 25. i 26. septembra 2024. godine usvojilo i potvrdilo raniji zaključak da su podnosioci izvještaja dužni dostaviti početni izvještaj za 2023. godinu na elektronskom obrascu u roku od 90 dana, a koji rok počinje teći od 01. oktobra 2024. godine, vjerovatno pridržavajući se samo izmjene Zakona objavljene u „Sl.gl. BiH broj 9/24“ od 06.02.2024.godine, ali ne i posljednje izmjene Zakona iz jula 2024.godine.

Drugim riječima, obzirom da nam je u e-mailu od 01.10.2024. godine u skeniranom formatu dostavljena i posljednja izmjena Zakona od 23.07.2024.godine „Sl. glasnik BiH broj 50/24“ utvrdili smo da je novi rok stupanja na snagu odredbi koje se tiču podnošenja izvještaja o imovini određen datum **28.02.2025. godine**.

Shodno navedenom predlažemo da se ovaj zahtjev uvrsti u dnevni red Sjednice planirane za 06. i 07.11.2024. godine, te tražimo da se VSTV BiH jasno odredi donošenjem zaključka kojim se stavlja van snage zaključak kojim su nositelji pravosudne funkcije dužni dostaviti početni izvještaj za 2023. godinu na elektronskom obrascu u roku od 90 dana, a koji rok počinje teći od 01.10.2024. godine.

U vezi sa navedenim ponovo podsjećamo da Zakon o VSTV BiH čl. 86. nije stupio na snagu, te da bi se postupanjem na prednji način nositelji pravosudnih funkcija doveli u neravnopravni položaj u odnosu na sve stranke u postupcima pred sudovima i tužilaštvima u kojima sudije i tužioci u svakodnevnom radu vode računa o navedenom, dakle da bi se u konkretnom slučaju popunjavanjem novih finansijskih izvještaja shodno Zakonu koji još uvijek nije stupio na snagu kršilo osnovno načelo zabrane retroaktivne primjene zakona (vidjeti presudu Ustavnog suda BiH broj AP 875/14 od 15.02.2017. godine, stav 74, objavljena u „Sl. glasniku BiH“ broj 19/17).

Kako iz dostavljenog ne proizilazi da je Vijeće prije dostavljanja istog nositeljima pravosudnih funkcija tražilo mišljenje Agencije za zaštitu ličnih podataka BiH, tražimo da nas Vijeće obavijesti da li je tražilo isto mišljenje, ako jeste i ako je Agencija dala mišljenje tražimo da nas se obavijesti o sadržaju istog, a sve radi poduzimanje daljnjih mjera u pogledu zaštite naših prava putem nadležnih institucija podnošenjem apelacije Ustavnom sudu za ocjenu ustavnosti navedenog Zakona, odnosno podnošenjem tužbe Sudu BiH za donošenjem privremene mjere.

S poštovanjem,

**Udruženje tužilaca Federacije  
Bosne i Hercegovine  
Predsjednica Udruženja  
Šeila Heljić s.r.**

**Udruženje tužilaca Republike  
Srpske  
Predsjednica Udruženja  
Živana Bajić s.r.**

**Udruženje sudija/sudaca u  
Federaciji Bosne i Hercegovine  
Predsjednik Udruženja  
Elis Sultanić s.r.**

**Udruženje sudija Republike  
Srpske  
Predsjednik Upravnog odbora  
Velimir Ninković s.r.**